

## Skýrsla stjórnar ÍSALP 2017

Stjórn Alpaklúbbsins var endurkjörin á aðalfundi í september 2016 auk þess sem Sigurður Ragnarsson tók sæti Katrínar Möller, sem flutti erlendis þegar hún átti eitt ár eftir í stjórn. Ottó Ingi Þórisson tók við hlutverki gjaldkera.

21. september var aukaaðalfundur þar sem lagður var fram ársreikningur klúbbsins, sem ekki tókst að klára fyrir aðalfund. Í leiðinni voru tvær myndasýningar, annars vegar talaði Ingunn um ferð sína til Bretlands síðasta sumar og hins vegar Ævar og Eysteinn sem töluðu um Íransferð á vegum klúbbsins.

Síðasta haust tilkynnti Matteo Meucci stjórn klúbbsins að hann ætlaði að ráðast í metnaðarfullt verkefni um veturinn og óskaði eftir samstarfi við klúbbinn. Hann ætlaði sér að klifra 100 ísleiðir á einu tíímabili og hlaupa síðan 100 km. Hann hélt myndasýningu fyrir klúbbinn í október þar sem mættu 30 manns. Matteo kenndi ísklifurnámskeið á Sólheimajökli fyrir klúbbinn. Ákveðið var að hafa námskeiðið frítt fyrir meðlimi Alpaklúbbsins. Þátttakendur voru tólf og þar af 10 nýir félagar.

2017 er 40 ára afmælisár klúbbsins og var stefnt að því að halda veglegt ísklifurfestival í tilefni þess. Stofnuð var festivalnefnd og var Heiða fulltrúi stjórnar í henni. Sigurður Ýmir endaði sem forystumaður nefndarinnar og var stefnt að því að halda festivalið austur á fjörðum. Festivalið féll síðan niður vegna veðurs en líklega verður stefnt að því að halda festivalið fyrir austan næsta vetur.

Ekki tókst að fá þyrlu til að fljúga upp í Botnssúlur með undirstöður undir Bratta til viðbótar við þær sem settar voru upp haustið 2015. Þar með var útséð með að ómögulegt yrði að flytja Bratta til fjalla á árinu 2017. Um veturinn hófst bygging fjölbýlishúss á lóðinni þar sem við geymdum skálann og þurftum við því að flytja hann. Hallgrímur Magnússon fékk leyfi fyrir skálann á nýrri lóð 100 metrum frá þeirri gömlu, þar sem hann fær að vera þar til hann verður fluttur næsta vetur. Samkomulag náðist við Björgunarfélag Akraness um að koma undirstöðum upp í Súlnadal á snjóbílum síðasta vor og núna í sumar tóku þeir kröftuga vinnutörn í Botnssúlum með sexhjólum og gröfu og kláruðu alla undirbúningsvinnu fyrir komu skálans.

Það hafði verið draumur formanns um nokkurt skeið að stofna til vinasamstarfs við erlendan Alpaklúbb og búa til skiptiprógram milli tveggja klúbba. Fyrsta hugmyndin var að heyra í Katalónska Alpaklúbbnum en fljótlega kviknaði sú hugmynd að mynda samstarf við Alpaklúbbinn í Písa á Ítalíu, en það er uppeldisklúbbur Matteos Meucci. Þeir tóku mjög vel í hugmyndina og sendu fjóra féлага í heimsókn til okkar á festivaltíma, í febrúar 2017. Þrátt fyrir óblíð veðurskilyrði fengu þeir góðar móttökur á Íslandi og náðu að klifra heilmikið. Þeir gistu í íbúð Félags íslenskra hjúkrunarfræðinga í Reykjavík og fóru svo á flakk um landið með Matteo, Ottó, Bjarti, Jonna og fleirum. Þeir héldu vel sótta myndasýningu í Klifurhúsinu þar sem þeir kynntu heimaslóðir sínar. Alpaklúbburinn sendi síðan fjóra féлага í september 2017, Pál Sveinsson, Ottó Inga Þórisson, Bjart Tý Ólafsson og Rúnu Thorarensen. Gríðarleg ánægja var með ferðina til

Ítalíu og megum við búast við myndasýningu og frásögn fljótlega. Ítalirnir gáfu okkur osta og kryddpýlsur, og tvö 50m halfrope.

Þorsteinn var í sambandi við Vilborgu Örnú um að efna til Ísalpferðar til Himalajafjalla sem hljómaði mjög vel. Ekkert varð úr því í bili en fullt erindi til að kanna hvort þetta er framkvæmanlegt síðar.

Tashi og Nungshi Malik, indverskar tvíbúrasystur sem hæstu tindana í hverri heimsálfu auk beggja pólanna sóttu landið heim í nóvember og var félögum úr stjórn ÍSALP boðið í kokteilboð í indverska sendiráðið sem fór vel fram.

Búnaðarbazar var haldinn með hefðbundnu sniði í húúsnæði FBSR. Þar var góð mæting og heitt á könnunni.

Alpaklúbburinn lét framleiða lasermerktar karabínur fyrir sig og derhúfur sem ruku út eins og heitar lummur.

Ársrit klúbbsins var gefið út í desember og er þetta í fyrsta sinn í áratug sem tekst að gefa út ársrit tvö ár í röð. Þorsteinn Cameron bar hitann og þungann af útgáfunni og á hrós skilið fyrir vel unnin störf. Í fyrra búrúst ábendingar um að framlag kvenna til blaðsins væri af skornum skammti og var strax ákveðið að bæta úr því við næsta tækifæri. Fór svo að allar innsendar greinar voru skrifaðar af konum í ársritinu 2016. Næsta ársrit er vel á veg komið og líklegt að takist að gefa það út í desember.

Jólakliffrið féll niður 17.des vegna veðurs í ár en haldið var dry-tool mót í staðinn. Útgáfupartý ársritsins var haldið um kvöldið og þar hélt Cecilia Buil fyrirlestur auk Róberts Halldórssonar..

Lucie Hrozova, sem er einn færasti mixklifurari í heimi var í grimmu íshellamissjóni á Íslandi íi vetur og hélt fyrirlestur fyrir Klúbbinn 10.janúar í Klifurhúsinu

Klifrar á vegum North-Face héldu myndasýningu 9.mars. Við leigðum ráðstefnusal á Center Hotel Plaza og úr varð gríðarlega flottur viðburður. Gestir voru á bilinu 70-80, þarna var kaffi á könnum, dýrindis gúrkuvatn í boði auk þess sem bjór á tilboði og við seldum húfur og karabínur. Útilíif endaði á því að borga salinn þannig að þetta kom mjög vel út. Kunnum við þeim bestu þakkir fyrir aðstoðina.

Ungverska fjallaskíðasambandið hafði samband við okkur í mars og vildi efna til þriggja landa samstarfs. Þeir sóttu um styrk hjá Evrópusambandinu og fengu að lokum úthlutað veglegum styrk. Smári Stefánsson hefur verið tengiliður þessa verkefnis og þetta mun væntanlega skýrast fljótlega.

Banff var haldið með hefðbundnu sniði í maí. Enn á ný í Háskólabíói. Styrkir veittir frá Fjalló og GGSport. En ÍSALP hefur átt farsælt við fyrirtækin tvö undanfarin ár.

Ísalp er að vinna í skriflegu samkomulagi við bændur á Hnappavöllum um notkun klifrara og aðgengi á svæðinu. Þetta er gert í samstarfi við Klifurfélag Reykjavíkur.

Klifurleiðagagnagrunnur ÍSALP telur nú 804 leiðir, en þeim hefur fjölgað um 100 milli ára.

*24.september 2017*

*-Helgi Egilsson, formaður ÍSALP*